

SIARAN MEDIA

CAREER CONNECT @ PUO 2024 PLATFORM MAJIKAN TAWAR PELUANG PEKERJAAN

IPOH, 24 April 2024 – Sekurang-kurangnya 1,000 pengunjung terdiri daripada para pelajar, alumni dan pencari kerja di sekitar Bandar Raya Ipoh telah menghadiri program ***Career Connect @ Politeknik Ungku Omar (PUO) 2024*** yang melibatkan 16 buah syarikat dari pelbagai industri yang menawarkan lebih 200 peluang pekerjaan dan penempatan latihan industri.

Career Connect @ PUO 2024 memberi manfaat yang besar kepada para pelajar dan pencari kerja yang akhirnya diharapkan dapat menyumbang kepada pembangunan ekonomi tempatan melalui peningkatan kebolehpasaran dan pembinaan modal insan yang berkualiti. Para pelajar dapat mempraktikkan ilmu yang diperolehi menerusi sesi temu duga yang dilaksanakan dan menjadi medan persediaan dalam menghadapi temu duga setelah bergraduasi kelak. Pihak industri juga berpeluang mengenal pasti calon yang berpotensi melalui program ini dan seterusnya mengukuhkan jaringan kerjasama positif antara rakan industri dan Politeknik Ungku Omar.

Pengisian aktiviti sepanjang ***Career Connect @ PUO 2024*** seperti Seminar TVET, sesi perkongsian industri dan temu duga penempatan latihan industri dan pekerjaan menjadi tumpuan utama para pengunjung.

Rakan industri yang terlibat dalam ***Career Connect @ PUO 2024*** adalah Tetra Pak (M) Sdn. Bhd., Kamaya Electric (M) Sdn. Bhd., Intel Microelectronics (M) Sdn Bhd, Hartalega NGC Sdn. Bhd, Genting Malaysia Berhad, Hovid Berhad, Azam Achievers Management, Team Some Sdn. Bhd, PwC Malaysia, Ashvertising Marketing Sdn. Bhd, Edenor Technology Sdn. Bhd., Unisem (M) Bhd., Wei Dat Steel Wire Sdn. Bhd., Sigma Rectrix Systems (M) Sdn. Bhd., Favotech System Sdn. Bhd., dan Carsem (M) Sdn. Bhd.

Dalam masa yang sama, PUO turut menandatangani *Letter of Intent* (LOI) bersama-sama 7 buah syarikat / organisasi iaitu Asia Global Field Sdn Bhd, Mr Fix It Engineering Services, Kompleks Pendidikan Baitul Dhiya', Buminakhyar Resources, Malaysian Institute of Technology Academy, PMG Venture Capital Sdn Bhd dan PROFIMA yang bakal menyaksikan kerjasama dalam bidang kejuruteraan, penyelidikan serta latihan.

Turut hadir ke majlis ini adalah Timbalan Pengarah (Akademik) PUO, Ts. Dr. Izwah Ismail dan Timbalan Pengarah (Sokongan Akademik) Dr. Mohd Azam Mohd Dali.

Politeknik Ungku Omar
Politeknik *Premier*
Towards APEX Polytechnic
24 April 2024